

*Flumina.*

*Caernarvonshire*

*Situs.*

*Soli fertilitas.*

*Opida.*

*Montes.*

*Denbighia.*

*Situs.*

*Soli qualitas.*

*Opida.*

*Flintshire.*

*Situs.*

*Soli qualitas.*

*Merionethia.*

*Situs.*

*Soli qualitas.*

*Opida.*

*Montes.*

*Montgomeryia.*

*Situs.*

Vrbs hæc quadrata forma, mœnibus quæ duo plus mill. pass. ambitu colligunt, includitur : ad Lybonorum, castrum eminet prope flumen a Comitibus constructum, ubi fora Palatinatus bis quotannis habentur. Aedificia sunt nitida, & projectis Mœnians porticus utrinque per primarias plateas ducunt. Sunt præterea opida, *Finboru & Condate*, nunc *Congleton*. Habetque parœcias plus minus 68 hic Comitatus. Fluvii hanc regionem interluunt, *Deva*, Anglice *Dee*, Salmonibus admodum ferax, è duobus in V Vallia fontibus enascitur, unde denominatum credunt. Præterea *Wever*, *Mersey*, & *Danus*. *Caernarvonshire*, Historicis Latinis *Snaudonia*, & *Arvonnia*. Latus Septemtrionale & Occiduum Mari objacet, Australe claudit Merionithia, & Orientale Denbighensis ager Conovio flu., interlabente. Qua Mare prospicit gleba est satis fertili, & opidulis redimita. In hac præter alia opida est *Bangor* sedes Episcopalis. Interiora hujus Comitatus montosa, aspera, clivosa, *Denbighensis* ager, Anglis *Denbighshire* interius a mari recedit, & in Ortum usque ad Devam flumen procurrit. A Borea aliquandiu mare, inde Flintensis regiuncula, ab Occasu Merionithia & Montgomeria, ab Ortum Cestria & Salopia circumcingunt. Pars Occidua sterilis, media qua in vallem succumbit, fecundissima, Orientalis statim valle naturam sibi iniquiorem, ad Devam vero multo æquorem sentit. In hoc autem agro est vallis *Cluida*, a mœnitate, fertilitate, & salubritate vere felix, in qua *Ruthun* maximum est vallis emporium. Deinde territorium, Britannice *Mailor Gymraig*, Anglis *Bromfield* lætum admodum & plumbi ferax. Præterea hujus tractus opidum *Denbighia*, vulgo *Denbigh*, & *Cluida* fluvius. Flintensis Provinciola, Anglis *Flintshire*, Denbighensi agro ad Septemtrionem longior quam latior præjacet, Hibernico mari, seu potius Deva æstuario ab Arcto pulsata, ab Ortum Cestrensi Comitatu, ab aliis plagis Denbighensi finita. Hæc non quidem montana, sed collium prominentia aliquantulum surgens, quæ leniter in fertilissimos agros resupinatur, qui præsertim qua Mare prospiciunt, primo quoque anno nonnullis in locis hordeum, aliis tritum, in universum secale vicesimo & supra fœnore, & postea avenam in quatuor aut quinque annos profundit. Est hic opidum *S. Asaph* Anglis, ubi Episcopalis est sedes, cui parœciæ subsunt multæ: & *Ruthlan* castello egregio nitens. Hic etiam *Alen* fluvius, prope quem fons est qui maris æmulus statis temporibus suas & revomit & resorbet aquas, *Merionethshire*, Latine *Mervinia* a Montgomerio pago ad sinum usque Lunatum & Oceanum pertingit, quo ab Occasu ita pulsatur, ut nonnullam ejus partem abripuisse credatur. Ad Meridiem Devo flumine a Ceretica dirimitur, ad Septemtriones Caernarvoniam, & Denbighiam attingit. Ipsa vero inter Montium conglomerationes omnium totius V Valliæ terrarum hispida magis & horribilis. Opida hic rara, *Harlech* autem castrum est munitissimum, atque hujus regionis præterea duo celeberrima *Traith maur*, & *Traith Bocham*, id est æstuarium majus, & minus. Montes habet altissimos, arctos tamen & in modum arcis acutissimos, nec raros quidem, sed creberrimos, & tanta æqualitate confertos, ut in summis eorum verticibus pastores confabulantes, vel convitantes, si concurrere forte statuerint a mane ad vesperam vix convenirent. *Montgomeryshire* ad Meridiem Ceretica & Radnoriam, ad Ortum Salopia, ad Boream Denbighia, & ad Occasum Merionithia circumscripta, licet Montibus plurimū emineat, cōvallibus tamē grata fecunditate, cū arvis, tum pascuis utiq; felix est.